

IPKO Foundation

**Raporti i Auditorit të Pavarur dhe Pasqyrat Financiare
më dhe për vitin e mbyllur më 31 dhjetor 2018**

Përmbajtja

	Page
Pasqyra e Pozicionit Financiar	5
Pasqyra e Tepricës apo Deficitit dhe të Ardhurave tjera Gjithëpërfshirëse	6
Pasqyra e Bilancit të Fondeve	7
Pasqyra e Rrjedhës së Parasë	8
Shënime shpjeguese mbi Pasqyrat Financiare të Organizatës	9-19

RAPORTI I AUDITORIT TË PAVARUR

Për Kuvendin e Anëtarëve të IPKO Foundation

Opinioni

Ne kemi audituar pasqyrat financiare të IPKO Foundation ("Organizata"), të cilat përfshijnë pasqyrën e pozicionit financier më 31 dhjetor 2018, pasqyrën e tepricave apo deficitit dhe të ardhurave tjera gjithëpërfshirëse, pasqyren e bilancit të fondeve dhe pasqyrën e rrjedhës së parasë për vitin që përfundoi me këtë datë, dhe shënimet për pasqyrat financiare, duke përfshirë një përbledhje të politikave të rëndësishme kontabël.

Sipas opinionit tonë, pasqyrat financiare paraqesin në mënyrë të drejtë, në të gjitha aspektet materiale, pozicionin financier të Organizatës më 31 dhjetor 2018, si dhe performancën financiare dhe rrjedhën e parasë për vitin e përfunduar me këtë datë, në përputhje me bazën e përgaditjes sipas pëershkrimit në shënimin sqarues 2 dhe Ligjin Nr. 04.L-57 Për lirinë e asociimit në organizatat jo-qeveritare.

Baza për opinion

Ne kemi kryer auditimin në përputhje me Standarde Nderkombëtare të Auditimit (SNA). Përgjegjësitë tona nën këto standarde janë të sqaruara më tutje në seksionin e këtij raporti, Përgjegjësitë e Auditorit për Auditimin e Pasqyrave Financiare. Ne jemi të pavarur nga Organizata në përputhje me Bordin e Standardeve Ndërkombëtare të Etikës për Kontabilist Profesionist, Kodi i Etikës për Kontabilistët Profesionist (Kodi BSNEP) dhe me kërkesat etike të cilat janë relevante për auditimin tonë të pasqyrave financiare në Kosovë dhe ne kemi përbushur edhe përgjegjësitë tona tjera financiare në përputhje me këto kërkesa. Ne besojmë që evidenca e auditimit që ne kemi mbledhur është e mjaftueshme dhe e përshtatshme për të siguruar një bazë për opinionin tonë.

Theksimi i çështjes - Bazat e Kontabilitetit dhe kufizimi mbi shpërndarjen

Ne tërheqim vëmendjen në shënimin 2 të pasqyrave financiare, që përshkruan bazën e kontabilitetit. Pasqyrat financiare janë përgatitur me qëllim të raportimit në Zyrën e OJQ-ve në Kosovë dhe tek donatorët e Organizatës. Si rezultat, pasqyrat financiare mund të mos jenë të përshtatshme për ndonjë qëllim tjetër. Raporti ynë është i dedikuar vetëm për Organizatën, Zyrën e OJQ-ve në Kosovë dhe donatorët e Organizatës, dhe nuk duhet t'u shpërndahet palëve tjera përvçe Organizatës, Zyrës së OJQ-ve në Kosovë dhe donatorëve të Organizatës. Opinion i ynë nuk është i modifikuar në lidhje me këtë çështje.

Deloitte i referohet një ose më shumë Deloitte Touche Tohmatsu Limited, një kompani private në Mbretërinë e Bashkuar e kufizuar me garanci dhe rrjetin e saj të firmave anëtare, secila prej të cilave është një entitet ligjërisht i ndarë dhe i pavarur. Ju lutemi shihni <http://www.deloitte.com> për një përshkrim të hollësishëm të strukturës ligjore të Deloitte Touche Tohmatsu Limited dhe firmave të saj anëtare.

Deloitte.

Përgjegjësitë e menaxhmentit dhe personave të ngarkuar me qeverisje për pasqyrat financiare

Menaxhmenti është përgjegjës për përgatitjen dhe prezantimin e drejtë të pasqyrave financiare në përputhje me bazën e kontabilitetit të përshkruar në Shënimin 2 dhe për kontrollat e brendshme të cilat menaxhmenti i përcakton si të nevojshme për të mundësuar përgatitjen e pasqyrave financiare të cilat nuk përbajnë anomali materiale nga mashtimet apo edhe gabimet.

Gjatë përgatitjes së pasqyrave financiare, menaxhmenti është përgjegjës për të vlerësuar aftësinë e Organizatës për të vazhduar me tutje, duke shpalosur, nëse e aplikueshme, çështje që lidhen më vazhdimësinë e biznesit dhe përdorin parimin e vazhdimësisë së biznesit, përveç kur menaxhmenti ka për qëllim të likuidojë Organizatën ose të ndërpresë operacionet, ose nuk ka ndonjë mundësi tjetër përveç se të veprojë në këtë menyrë.

Të ngarkuarit me qeverisje janë përgjegjës për mbikëqyrjen e procesit të raportimit financiar ta Organizatës.

Deloitte i referohet një ose më shumë Deloitte Touche Tohmatsu Limited, një kompani private në Mbretërinë e Bashkuar e kufizuar me garanci dhe rrjetin e saj të firmave anëtare, secila prej të cilave është një entitet ligjërisht i ndarë dhe i pavarur. Ju lutemi shihni <http://www.deloitte.com> për një përshkrim të hollësishëm të strukturës ligjore të Deloitte Touche Tohmatsu Limited dhe firmave të saj anëtare.

Anëtar i Deloitte Touche Tohmatsu Limited

Deloitte.

Përgjegjësitë e Auditorit për Auditimin e Pasqyrave Financiare

Qëllimi jonë është marrja e sigurisë së arsyeshme që pasqyrat financiare si terësi nuk përbajnë anomali materiale, qoftë si pasojë e mashtrimeve ashtu edhe e gabimeve dhe lëshimin e një raporti të auditorit cili përmban opinionin tonë. Siguria e arsyeshme është një nivel i lartë i sigurisë, por nuk është garacion i asaj që një auditim i kryer në përputhje me SNA, do të detektojë gjithmonë një anomali materiale kur ajo ekziston. Anomalitë mund të lindin nga mashtrimet ose gabimet dhe konsiderohen materiale nëse individualisht, ose të bashkuara, mund të pritet në mënyrë të arsyeshme që të ndikojnë në vendimet ekonomike të shfrytëzuesve të pasqyrave financiare, të marra në bazë të këtyre pasqyrave financiare.

Si pjesë e auditimit në përputhje me SNA, ne ushtrojmë gjykim profesional dhe ruajmë skepticizëm profesional gjatë auditimit. Ne gjithashtu:

- Identifikojmë dhe vlerësojmë riskun e anomalive materiale të pasqyrave financiare, si pasojë nga mashtrimet apo edhe si pasojë e gabimeve, dizajnojmë dhe kryejmë procedura të auditimit të cilat i përgjigjen këtyre risqeve dhe marrim evidenca të auditimit të cilat janë të mjaftueshme dhe të përshtatshme për të siguruar një bazë për opinionin tonë. Risku i mos-zbulimit të një anomali materiale e cila rrjedhë nga mashtrimi është më i madh sesa i atij që rrjedhë nga gabimi, pasi që mashtrimi mund të përfshijë marrëveshje të fshehta, falsifikime, lëshime të qëllimshme, keqinterepretime, ose shkelje të kontrollit të brendshëm.
- Marrim një kuptim të kontrollit të brëndshëm i cili është i rëndësishmëm për auditimin në mënyrë që të dizajnohen procedura të auditimit të cilat janë të përshtatshme për rr Ethanat, por jo për qellim të shprehjes së një opinioni lidhur me efikasitetin e kontrollit të brendshëm të Organizatës.
- Vlerësojmë përshtatshmerinë e politikave të përdorura të kontabilitetit dhe arsyeshmerinë e vlerësimeve kontabël dhe shpalosje të ngashme të bëra nga menaxhmenti.
- Bazuar në evidencën e siguruar, vendosim mbi përshtatshmërinë e shfrytëzimit të parimit të vazhdimesisë së biznesit dhe nëse një pasiguri materiale egziston në lidhje me ngjarjet ose kushtet që mund të vënë në dyshim aftësinë e Organizatës për të vazhduar me tutje. Nëse ne konkludojmë se një pasiguri materiale egziston, jemi të detyruar të tërheqim vëmendje në raportin tonë lidhur me këtë shpalosje në pasqyrat financiare, ose nëse shpalosjet e tillë nuk janë të duhurat, të modifikohet opinioni jonë. Përfundimet tona janë të bazuara në evidencën e auditimit të mbledhur deri me datën e raportit financiar. Sidoqoftë, kushtet ose ngjarjet në të ardhmen, mund të shkaktojnë që Organizata të ndërpunjë vijushmërinë e biznesit.
- Vlerësojmë përshtatshmërinë e politikave kontabël të përdorura, dhe arsyeshmërinë e vlerësimeve kontabël, dhe shpalosjet përkatëse të bëra nga menaxhmenti.

Ne komunikojmë me ata që janë të ngarkuar me qeverisjen, mes tjerash, fushëveprimin e planifikuar dhe kohën e auditimit si dhe gjetjet e rëndësishme të auditimit, duke përfshirë çdo mangësi të rëndësishme në kontrollot e brendshme të cilat i identifikojmë gjatë auditimit.

Deloitte Kosova sh.p.k.

Deloitte Kosova sh.p.k.
Rr. Lidhja e Pejës, No. 177
Prishtinë, Republika e Kosovës
Nr. i regjistrimit: 80452632
26 mars 2019



Arta Limani

Partnere e angazhimit
Arta Limani

IPKO Foundation
Pasqyra e Pozicionit Financiar më 31 dhjetor 2018
(Të gjitha shumat janë në EURO)

	Shënimë	Më 31 dhjetor 2018	Më 31 dhjetor 2017
PASURITË			
Pasuritë afatgjata:			
Prona, impiantet dhe pajisjet	4	38,361.79	9,621.74
Depozita të afatizuara	6	1,900,000.00	2,100,000
Gjithsej pasuritë afatgjata:		1,938,361.79	2,109,621.74
Pasuritë afatshkurtra:			
Paraja dhe ekuivalentët e parasë	5	336,279.09	255,454.65
Parapagimet dhe të arkëtueshmet tjera		3,285.39	3,346.75
Gjithsej pasuritë afatshkurta		339,564.48	258,801.40
GJITHSEJ PASURITË		2,277,926.27	2,368,423.14
BALANCI I FONDIT DHE DETYRIMET			
Bilanci i Fondit			
Teprica e akumuluar		2,359,637.79	2,531,900.31
Deficiti për vitin		(186,359.40)	(172,262.52)
Gjithsej bilanci i fondit		2,173,278.39	2,359,637.79
Detyrimet afatshkurtra			
Llogaritë e pagueshme tregtare dhe të tjera	7	3,654.58	3,320.98
Deferred revenue	8	100,993.30	5,464.37
Gjithsej detyrimet afatshkurtra		104,647.88	8,785.35
GJITHSEJ BILANCI I FONDIT DHE DETYRIMET		2,277,926.27	2,368,423.14

Këto pasqyra financiare u autorizuan dhe u nënshkruan në emër të menaxhmentit me datë 26 mars 2019:

Arbresha Tuhina
Drejtoreshë e Financave dhe Administratës

Shënimet shpjeguese prej faqes 9 deri në 19 janë pjesë përbërëse e këtyre pasqyrave financiare

IPKO Foundation

Pasqyra e Tepricës ose Deficitit dhe të Ardhurave tjera Gjithëpërfshirëse për vitin e përfunduar më 31 dhjetor 2018

(Të gjitha shumat janë në EURO)

	Shënimë	Për vitin e përfunduar më 31 dhjetor 2018	Për vitin e përfunduar më 31 dhjetor 2017
Fonde nga donacionet	9	126,189.52	48,750.59
Të hyrat nga interesi	10	46,334.64	50,104.68
Gjithsej Fonde		172,524.16	98,855.27
Shpenzime tjera operative	11	(236,835.43)	(187,782.32)
Shpenzime të stafit	12	(114,206.82)	(80,644.34)
Shpenzime të zhvlerësimit	4	(7,841.31)	(2,691.13)
Përdorimi i Fondevë		(358,883.56)	(271,117.79)
Deficiti për vitin		(186,359.40)	(172,262.52)
Të hyrat tjera gjithëpërfshirëse		-	-
Gjithsej deficit për vitin		(186,359.40)	(172,262.52)

Shënimet shpjeguese prej faqes 9 deri në 19 janë pjesë përbërëse e këtyre pasqyrave financiare.

IPKO Foundation**Pasqyra e Bilancit të Fondeve më 31 dhjetor 2018**

(Të gjitha shumat janë në EURO)

	Teprica e akumular	Gjithsej
Gjendja më 1 Janar 2017	2,531,900.31	2,531,900.31
Deficiti për vitin	(172,262.52)	(172,262.52)
Te hyrat tjera gjithëpërfsirëse	-	-
Gjithsej deficiti për vitin	(172,262.52)	(172,262.52)
Gjendja më 31 dhjetor 2017	2,359,637.79	2,359,637.79
Deficiti për vitin	(186,359.40)	(186,359.40)
Te hyrat tjera gjithëpërfsirëse	-	-
Gjithsej deficiti për vitin	(186,359.40)	(186,359.40)
Gjendja më 31 dhjetor 2018	2,173,278.39	2,173,278.39

Shënimet shpjeguese prej faqes 9 deri në 19 janë pjesë përbërëse e këtyre pasqyrave financiare.

IPKO Foundation

Pasqyra e Rrjedhës së Parasë për vitin e përfunduar më 31 dhjetor 2018

(Të gjitha shumat janë në EURO)

	Shënimë	Për vitin e përfunduar më 31 dhjetor 2018	Për vitin e përfunduar më 31 dhjetor 2017
Rrjedha e parasë nga aktivitetet operative			
Deficiti për periudhën		(186,359.40)	(172,262.52)
<i>Rregullime për:</i>			
Zhvlerësim	4	7,841.31	2,691.13
Të hyrat nga interesi	10	<u>(46,334.64)</u>	<u>(50,104.68)</u>
		(224,852.73)	(219,676.07)
Lëvizja në kapitalin punues:			
Rritja / (Zvogëlimi) në parapagimet		61.36	(330.04)
Rritja / (Zvogëlimi) në të hyrat e shtyera	8	95,528.93	-
Rritja / (Zvogëlimi) i detyrimeve	7	333.60	246.16
Interesi i pranuar	10	<u>46,334.64</u>	<u>50,104.68</u>
		(82,594.20)	(169,655.27)
Paraja neto e përdorur ne aktivitetet operative			
Rrjedha e parasë nga aktivitetet investuese			
Blerja e veturës	4	<u>(36,581.36)</u>	-
Paraja neto e përdorur në aktivitetet investuese		(36,581.36)	-
Rrjedhat e parasë nga aktivitetet financuese			
Ndryshimet në depozita	6	200,000.00	200,000.00
Paratë neto e gjeneruar nga aktivitetet financuese		200,000.00	200,000.00
Rritja neto ne para dhe ekuivalentet e saj		80,824.44	30,344.73
Paraja dhe ekuivalentët e saj në fillim të vitit	5	255,454.65	225,109.24
Paraja dhe ekuivalentët e saj në fund të vitit	5	336,279.09	255,454.65

Shënimet shpjeguese prej faqes 9 deri në 19 janë pjesë përbërëse e këtyre pasqyrave financiare.

IPKO Foundation

Shënime mbi pasqyrat financiare për vitin e përfunduar më 31 dhjetor 2018
(Të gjitha shumat janë në EURO)

1. INFORMATA TË PËRGJITHSHME

IPKO Foundation ("Organizata" ose "Fondacioni") është pasardhës i Institutit IPKO dhe është organizatë jo-fitimprurëse e themeluar në 15 shkurt të vitit 2000 në përputhje me Administratën e Përkoħshme tē Kombeve tē Bashkuara në Kosovë (UNMIK)- Rregullorja Nr. 1999/22.

Organizata është themeluar për të ndihmuar të sigurojë mjetet, njohuritë dhe ambientin e nevojshme për Kosovën, që të marrë pjesë në shoqërinë globale të informacionit. Organizata ofron shërbime të internetit ("ISP") falas, përmes bashkëpunëtorit të saj IPKO Net ("Associate"), për një numër të organizatave jo-qeveritare.

Më 3 prill 2008, Asambleja e Përgjithshme e Institutit IPKO ka ndryshuar misionin dhe qëllim e organizatës, nga një ofrues të shërbimit të internetit të lirë në një institucioni që ofron bursa për studentët e kualifikuar në Kosovë.

Më 20 qershor 2008 Kuvendi i Përgjithshëm i Institutit IPKO ka vendosur unanimisht për të ndryshuar emrin e Institutit në IPKO Foundation. Ky ndryshim i emrit është bërë për të reflektuar më mirë ndryshimin në misionin e Fondacionit dhe nuk përfshinë ndryshime në strukturën ligjore, Fondacioni mbetet organizatë jo-fitimprurëse.

Më 31 dhjetor 2018, Organizata ka 23 punëtor të rregullt (2017: 11 punëtor të rregullt).

2. DEKLARATA E PAJTUESHMERISË

Pasqyrat financiare janë përgatitur në përputhje me kërkasat e ligjit nr. 04 / L-57 për Lirinë e Asocimit në Organizatat Joqeveritare me qëllim të raportimit në Zyrën e OJQ-ve.

Të hyrat nga grantet njihen kur fitohen e jo kur janë pranohen dhe shpenzimet njihen kur ndodhin në e jo kur paguhen.

Përveç kësaj, detyrimet e shtyra të granteve, parapagimet dhe detyrimet e tjera regjistrohen në bazë të përllogaritjes së kontabilitetit. Politikat e rëndësishme të kontabilitetit janë përshkruar më poshtë.

Shënime mbi pasqyrat financiare për vitin e përfunduar më 31 dhjetor 2018
(Të gjitha shumat janë në EURO)

3. PËRMBLEDHJE E POLITIKAVE TË RËNDËSISHME TË KONTABILITETIT

3.1 Bazat e përgatitjes

Pasqyrat financiare janë përgatitur në bazë të kostos historike. Politikat kryesore kontabël janë paraqitur më poshtë.

3.2 Valuta raportuese

Valuta raportuese e Organizatës është Euro, që është monedha ligjore në territorin e Kosovës që nga 1 janari 2002.

3.3 Valutat tjera

Transaksionet në valuta të huaja konvertohen në monedhën funksionale me kursin e këmbimit në datën e transaksionit. Aktivet dhe detyrimet në valuta të huaja monetare konvertohen në valutën funksionale me kursin e këmbimit në datën e raportimit. Artikuj jo monetare që janë matur në terma të kostos historike në monedhë të huaj nuk rivlerësohen.

3.4 Prona, impiantet dhe pajisjet

i. Njohja dhe matja

Zërat e pronave dhe pajisjeve vlerësohen me koston minus amortizimin e akumuluar dhe çdo humbje nga zhvlerësimi. Kosto përfshin shpenzime që janë drejtpërdrejt të ngarkueshme për blerjen e asetit. Kur pjesë të një elementi të aseteve të ndryshme afatgjata materiale kanë jetëgjatësi të dobishme të ndryshme, ato kontabilizohen si zëra (përbërësit madhor) të pronës, impianteve dhe pajisjeve. Fitimet dhe humbjet nga shitja e pajisjeve janë të përcaktohet duke iu referuar vlerës kontabël dhe janë marrë parasysh në përcaktimin e rezultatit operativ për periudhën.

ii. Kostot pasuese

Kostoja e zëvendësimit të një pjese të ndonjë zëri të pronës, impianteve dhe pajisjeve është njohur në vlerën kontabël të pasurisë pjesa e së cilës zëvendësohet nëse është e mundur që përfitimet e ardhshme ekonomike të trupëzuara përbrenda pjesës do të rrjedhin në Organizatë dhe kostoja e saj mund të matet me besueshmëri. Kostot e mirëmbajtjes së përditshme të pronës, impianteve dhe pajisjeve janë njohur në pasqyrën e burimeve dhe shfrytëzimit të fondeve dhe të ardhurave tjera gjithëpërfshirëse kur kanë ndodhur.

iii. Zhvlerësimi

Zhvlerësimi njihet në pasqyrën e burimeve dhe shfrytëzimit të fondeve dhe të ardhurave tjera gjithëpërfshirëse mbi bazën e metodës lineare përgjatë jetës së dobishme të vlerësuar të secilës pjesë të zërave të pronës dhe pajisjeve.

Për shtesat, zhvlerësimi është e ngarkuar nga muaji kur pasuria është vënë në përdorim, ndërsa për heqjet deri në muajin e heqjes.

Më 31 dhjetor 2018

Më 31 dhjetor 2017

Përmirësimet e ndërtesave të marra më qira Gjatë periudhës së qirasë ose jetës së dobishme, cilado që është më e shkurtër

Pajisjet	20%	20%
Vetura	20%	20%

Shënime mbi pasqyrat financiare për vitin e përfunduar më 31 dhjetor 2018
(Të gjitha shumat janë në EURO)

3. PËRMBLEDHJE E POLITIKAVE TË RËNDËSISHME KONTABËL (VAZHDIM)

3.5 Paraja dhe ekuivalentët e parasë

Paraja dhe ekuivalentët e parasë përfshijnë paratë në dorë, depozitat e afatizuara në banka dhe investimet afatshkurtra likuide me afat maturimi më pak se tre muaj kur blihen, dhe janë subjekt i një rreziku më të vogël të ndryshimeve në vlerë.

3.6 Të arkëtueshmet tregtare dhe të tjera

Të arkëtueshmet tregtare paraqiten me kosto të amortizuar duke përdorur metodën e interesit efektiv, më pak për lejimin për borxhet e dyshimta.

3.7 Të pagueshmet tregtare dhe të tjera

Të pagueshmet tregtare dhe të pagueshmet tjera maten në kosto e cila është vlera e drejtë e shumës për t'u paguar në të ardhmen përmallrat dhe shërbimet e pranuara pa marrë parasysh se a i janë faturuar Organizatës apo jo.

3.8 Grantet

Grantet nuk njihen derisa të ketë siguri të arsyeshme se Organizata do të jetë në përputhje me kushtet e bashkëngjitura me to dhe se granti do të merret.

Grantet qeveritare njihen në pasqyrën e burimeve dhe shfrytëzimit të fondeve dhe të ardhurave tjera gjithëpërfshirëse në baza sistematike gjatë periudhave në të cilat Organizata njeh si shpenzime kostot e lidhura, për të cilat grantet kanë për qëllim përmarrje kompensuar. Në mënyrë të veçantë, grantet kusht primar i të cilave është se Organizatës i duhet të blejë, ndërtojë ose të marrë aktivet afatgjata njihen si të ardhura të shtyera në pasqyrën e pozicionit financiar dhe transferohen në pasqyrën e burimeve dhe shfrytëzimit të fondeve dhe të ardhurave tjera gjithëpërfshirëse në baza sistematike dhe racionale gjatë jetës së dobishme të pasurive të lidhura.

Grantet që janë të arkëtueshme si kompensim për shpenzimet ose humbjet tashmë të ndodhura ose për qëllim të dhënes së mbështetjes financiare të menjëherëshe për Organizatën e pa shpenzime të lidhura në të ardhshme njihen në pasqyrën e burimeve dhe shfrytëzimit të fondeve dhe të ardhurave tjera gjithëpërfshirëse në periudhën në të cilën ato bëhen të arkëtueshme.

3.9 Rënia në vlerë

Pasuritë financiare Pasuritë financiare të cilat nuk mbahen me vlerën e drejtë nëpërmjet fitimit ose humbjes vlerësohen në çdo datë raportimi për të përcaktuar nëse ka dëshmi objektive se është i zhvlerësuar. Një pasuri financiare është i zhvlerësuar nëse evidencia objektive tregon se një ngjarje që sjell humbje ka ndodhur pas njohjes fillestare të pasurisë, dhe që rasti i humbjes ka një ndikim negativ në flukset monetare të ardhshme të këtij aktivit që mund të vlerësohen në mënyrë të besueshme.

Një humbje nga zhvlerësimi në lidhje me një pasuri financiare e matur me koston e amortizuar është llogaritur si diferenca midis vlerës së tij kontabël dhe vlerës aktuale të flukseve monetare të ardhshme të skontuara me normën fillestare të interesit efektiv të pasurisë. Humbjet njihen në pasqyrën e burimeve dhe shfrytëzimit të fondeve dhe të ardhurave tjera gjithëpërfshirëse dhe pasqyrohen në një llogari provizioni përkundrejt të arkëtueshmeve. Interesat mbi pasuritë e zhvlerësuara vazhdojnë të njihen nëpërmjet skontimeve të pandryshueshme. Kur një ngjarje e mëpasshme (p.sh. shlyerje nga debitori) shkakton shumën e humbjes nga zhvlerësimi për të ulur, ulja e humbjes nga zhvlerësimi anulohet nëpërmjet pasqyrën e burimeve dhe shfrytëzimit të fondeve dhe të ardhurave tjera gjithëpërfshirëse.

PËRMBLEDHJE E POLITIKAVE TË RËNDËSISHME KONTABËL (VAZHDIM)

3.10 Interesi

Të hyrat dhe shpenzimet e interesit njihen në pasqyrën e burimeve dhe shfrytëzimit të fondeve dhe të ardhurave tjera gjithëpërfshirëse duke përdorur metodën e interesit efektiv. Norma e interesit efektiv është norma që skonton pagesat e vlerësuara të parave në të ardhmen dhe arkëtimet përgjatë jetës së pasurisë ose detyrimit financiar (ose, kur është e përshtatshme, një periudhë më të shkurtër) deri në vlerën kontabël të pasurisë ose detyrimit financiar. Norma efektive e interesit është krijuar në njohjen parësore të pasurisë dhe detyrimit financiare dhe nuk është rishikuar më pas.

Kalkulimi i normës efektive të interesit përfshin të gjitha tarifat dhe pikat e paguara ose kostot e transaksioneve të pranuara dhe zbritjet ose premitë që janë pjesë integrale e normës efektive të interesit. Kostot e transaksioneve përfshinë kosto shtesë të lidhura drejtpërdrejt me blerjen, emetimin ose shlyerjen e një pasurie apo detyrimi financiar.

Të hyrat dhe shpenzimet e interesit të paraqitura në pasqyrën e burimeve dhe shfrytëzimit të fondeve dhe të ardhurave tjera gjithëpërfshirëse përfshijnë interesin në pasuri dhe detyrimet financiare me koston e amortizuar mbi bazën e normës efektive të interesit

3.11 Përfitimet e punëtoreve

Organizata nuk bën asnjë provizion për dhe nuk ka asnjë obligim për pensionet e punonjësve mbi dhe përtej kontributive të paguara në Trustin e Kursimeve Pensionale të Kosovës.

3.12 Kontigjencat dhe provizonet

Detyrimet kontingjente nuk njihen në pasqyrat financiare. Ato shpalosen përveç nëse mundësia e rrjedhës së mjeteve që trupëzojnë përfitime ekonomike është e largët. Një pasuri kontingjente nuk njihet në pasqyrat financiare por shpaloset kur hyrja e përfitimeve ekonomike është e mundshme.

Një provizion njihet nëse Kompania ka një detyrim aktual (ligjor ose konstruktiv) si rezultat i një ngjarjeje të kaluar, është e mundshme që një dalje e mjeteve që trupëzojnë përfitime ekonomike do të kërkohet për të shlyer detyrimin dhe mund të bëhet një vlerësim i besueshmë i shumës së obligimit.

3.13 Tatimi ne fitim

Sipas Ligjit nr. 05/L-029 mbi Tatimin në Korporata, si Fondacion jo-fitimprurës me status të përfituesit publik, IPKO Foundation është e përjashtuar nga tatimi në të hyra. Një organizatë jo-qeveritare e regjistruar në Kosovë mund të aplikojë për status të përfituesit publik dhe përjashtimit nga tatimi mbi të hyrat. Fondi ka marrë këtë status në dhjetor të vitit 2001.

3.14 Instrumentet financiare jo-derivative

Vlera e drejtë, e cila është e përcaktuar për qëllime të shpalosjes, llogaritet në bazë të vlerës aktuale të principalit dhe monetare të interesit flukseve të ardhshme monetare, të zbritur me normën etregut të interesit në datën e raportimit.

Shënime mbi pasqyrat financiare për vitin e përfunduar më 31 dhjetor 2018
(Të gjitha shumat janë në EURO)

3. PËRMBLEDHJE E POLITIKAVE TË RËNDËSISHME KONTABËL (VAZHDIM)

3.15 Gjykimet kritike dhe burimet kyçë të pasigurisë së vlerësuar

Përgatitja e pasqyrave financiare kërkon që menaxhmenti të bëj gjykime, vlerësimë dhe supozime të cilat ndikojnë në aplikimin e politikave kontabël dhe shumave të raportuara të aktiveve dhe detyrimeve, të ardhurave dhe shpenzimeve. Rezultatet aktuale mund të ndryshojnë nga këto vlerësimë.

Vlerësimet dhe supozimet shqyrtohen në baza të vazhdueshme. Rishikimet e vlerësimeve kontabël nijhen në periudhën në të cilën vlerësimi rishikohet dhe në periudhat e ardhshme nëse ato ndikohen. Vlerësimi kyç i përdorur nga Fondacioni është zhvlerësimi i llogaritur për pajisje (shënim 4 dhe shënim 3.4).

Shënimë mbi pasqyrat financiare për vitin e përfunduar më 31 dhjetor 2018
(Të gjitha shumat janë në EURO)

4. PRONA, IMPLANTET DHE PAJISJET

	Vetura	Pajisjet	Pëmirestimet e qirasë	Gjithsej
<i>Kosto</i>				
Më 1 janar 2017	<u>13,455.68</u>	-	-	<u>13,455.68</u>
Shtesat	-	-	-	-
Më 31 dhjetor 2017	<u>13,455.68</u>	-	-	<u>13,455.68</u>
Shtesat	-	29,037.90	7,543.46	36,581.36
Kosto më 31 dhjetor 2018	<u>13,455.68</u>	29,037.90	7,543.46	50,037.04
<i>Zhvlerësimi i akumuluar</i>				
Më 1 janar 2017	<u>1,142.81</u>	-	-	<u>1,142.81</u>
Zhvlerësimi për vitin	2,691.13	-	-	2,691.13
Më 31 dhjetor 2017	<u>3,833.94</u>	-	-	<u>3,833.94</u>
Zhvlerësimi për vitin	2,691.13	3,264.31	1,885.87	7,841.31
Zhvlerësimi i akumuluar më 31 dhjetor 2018	<u>6,525.07</u>	<u>3,264.31</u>	<u>1,885.87</u>	<u>11,675.25</u>
<i>Vlera Neto</i>				
Gjendja më 31 dhjetor 2018	<u>6,930.61</u>	<u>25,773.59</u>	<u>5,657.59</u>	<u>38,361.79</u>
Gjendja më 31 dhjetor 2017	<u>9,621.74</u>	-	-	<u>9,621.74</u>

Pajisja u dhurua nga projekti FHI 306 USAID – BEP ne korrik 2016. Të hyrat e shtyra janë të lidhura me këtë pajisje të dhuruar. Kostoja e përgjithshme e mjetit përfishin detritmet doganore dhe TVSH-në e paguar nga Organizata.

IPKO Foundation

Shënimë mbi pasqyrat financiare për vitin e përfunduar më 31 dhjetor 2018
(Të gjitha shumat janë në EURO)

5. PARAJA NË ARKË DHE NË BANKË

	Më 31 dhjetor 2018	Më 31 dhjetor 2017
Para ne bankë	336,278.19	255,454.52
Para në arkë	0.9	0.13
Gjithsej	336,279.09	255,454.65

6. DEPOZITAT E AFATIZUARA

Fondacioni IPKO ka një depozitë me afat në një bankë lokale. Depozitat e afatizuara janë një depozitë me afat trevjeçar në shumën prej 1,900,000 EUR me normë interesë prej 2.25%. Afati i depozitës me afat maturimi dyvjeçar në shumën EUR 200,000 e cila ka maturuar gjatë vitit 2018.

7. LLOGARITË E PAGUESHME TREGTARE DHE TË TJERA

	Më 31 dhjetor 2018	Më 31 dhjetor 2017
Llogaritë e pagueshme tregtare dhe të	3,654.58	3,320.98
Gjithsej	3,654.58	3,320.98

8. TË HYRAT E SHTYRA

	Më 31 dhjetor 2018	Më 31 dhjetor 2017
Të hyrat e shtyra për donacionin nga Minsitria e Punëve të Jashtme e Norvegjisë	36,342.94	-
Të hyrat e shtyra për donacionet nga organizatat e huaja	19,151.50	-
Të hyrat e shtyra për donacionet nga OJQ vendore dhe të huaja	24,095.73	-
Të hyrat e shtyra për donacionet nga Ministrinë	17,500.00	-
Të hyrat e shtyra (vetura)	3,903.13	5,464.37
Gjithsej	100,993.30	5,464.37

IPKO Foundation

Shënime mbi pasqyrat financiare për vitin e përfunduar më 31 dhjetor 2018
(Të gjitha shumat janë në EURO)

9. FONDE NGA DONATORËT

	Për vitin e përfunduar më 31 Dhjetor 2018	Për vitin e përfunduar më 31 Dhjetor 2017
Fondi nga Ministria e Jashtme Norvegjeze	11,504.90	-
Fondet nga OJQ-të lokale dhe ndërkombëtare	83,574.27	31,349.33
Fondet nga Organizatat Ndërkombëtare	23,570.86	7,286.32
Fondet nga UNDP	5,000.00	4,795.00
Fondet nga komunat	-	3,360.00
Fonde tjera	978.27	398.7
Donacioni - Vetura	1,561.24	1,561.24
Gjithsej	126,189.52	48,750.59

Të hyrat nga donacioni i automjetit lidhen me pjesën e të hyrave të shtyra që njihet si e hyre. E hyra nga donacioni i automjeteve për vitin është e barabartë me shpenzimin e zhvlerësimit në lidhje me pjesën e dhuruar të kostos së automjeteve.

10. TË HYRA NGA INTERESI

	Për vitin e përfunduar më 31 Dhjetor 2018	Për vitin e përfunduar më 31 Dhjetor 2017
Të hyrat nga interesi nga depozitat	46,334.64	50,104.68
Gjithsej	46,334.64	50,104.68

IPKO Foundation

Shënimë mbi pasqyrat financiare për vitin e përfunduar më 31 dhjetor 2018
(Të gjitha shumat janë në EURO)

11. SHPENZIME TJERA OPERATIVE

	Për vitin e përfunduar më 31 Dhjetor 2018	Për vitin e përfunduar më 31 Dhjetor 2017
Shpenzimet këshilluese, ligjore dhe të auditimit	49,442.35	39,639.06
Shpenzimet e udhëtimit dhe argëtimit	48,200.84	43,308.80
Sponzorizimet	42,099.04	51,706.36
Shpenzimet për material printues	22,156.22	8,161.39
Shpenzimet e qirasë	16,968.12	8,992.51
Shpenzimet e përfaqësimit	15,912.87	10,645.93
Shpenzimet e marketingut dhe reklamave	15,318.98	11,117.75
Furnizimet për zyre	8,779.74	3,013.81
Shpenzimet e mirëmbajtjes	2,207.00	340.3
Shpenzimet e telekomunikimit	1,919.70	1,254.50
Shpenzimet e stafit	1,590.81	1,068.26
Shërbimet komunale	1,006.66	674.92
Blerje e pajisjeve të vogla	623.30	-
Shpenzimet e veturës	523.11	1,474.23
Të tjera	10,086.69	6,384.50
Gjithsej	236,835.43	187,782.32

12. SHPENZIME TË STAFIT

	Për vitin e përfunduar më 31 Dhjetor 2018	Për vitin e përfunduar më 31 Dhjetor 2017
Pagat bruto	108,721.46	76,978.69
Kontributi pensional	5,485.36	3,665.65
Gjithsej	114,206.82	80,644.34

**Shënimë mbi pasqyrat financiare për vitin e përfunduar më 31 dhjetor 2018
(Të gjitha shumat janë në EURO)**

13. MENAXHIMI I RISKUT FINANCIAR

Risku i kredisë

Menaxhmenti ka politika mbi menaxhimin e kredisë dhe ekspozimi ndaj rrezikut të kredisë që të monitorohet në mënyrë të vazhdueshme.

Në datën e raportimit, ekspozimi ndaj rrezikut të kredisë është i përfaqësuar nga paraja dhe depozitat me afat. Nuk është dhënë ndonjë rënie në vlerë për këto ekspozime, pasi menaxhmenti nuk beson se do të pësojë ndonjë humbje. Paraja depozitat mbahen në banka brenda Kosovës.

Ekspozimi maksimal ndaj riskut të kredisë është përfaqësuar nga shuma bartëse e çdo pasurie financiar në pasqyrën e pozicionit financiar.

Risku i normave të interesit

Në menaxhimin e rrezikut të normës së interesit, Organizata ka për qëllim të zvogëlojë ndikimin e luhatjeve afatshkurtra në fitimet e Organizatës në afat më të gjatë. Organizata i vendos depozitat kryesore të saj në depozitat afatgjata me norma fikse të interesit, për të minimizuar ndikimin e ndryshimeve të normës së interesit.

Risku i menaxhimit të likuiditetit

Rreziku i likuiditetit është rreziku që Fondacioni nuk do të jetë në gjendje të përbushë detyrimet e saj financiare në kohën e duhur. Qasja e Organizatës për menaxhimin e likuiditetit është të sigurojë, sa më shumë të jetë e mundur, që ajo vazhdimeshit do të ketë likuiditet të mjaftueshëm për të përbushur detyrimet, nën kushte normale dhe të stresuara, pa pësuar humbje të papranueshme apo pa rrezikuar dëmtimin e reputacionit të Fondacionit.

Zakonisht, Organizata siguron se ajo ka para të mjaftueshme në kërkesat e saj për të përbushur shpenzimet e pritura operative për një periudhë prej 60 ditësh, përfshirë edhe përbushjen e detyrimeve financiare; kjo përjashton ndikimin e mundshëm të rr Ethanave ekstreme që nuk mund të parashikohet në mënyrë të arsyeshme, të tilla si fatkeqësitet natyrore.

Analiza e ndjeshmërisë

Në menaxhimin e normës së interesit dhe riskut valutor, Fondacioni përpinqet që të zvogëlojë ndikimin e luhatjeve afatshkurtra në fitimet të Fondacionit. Megjithatë, në afat më të gjatë, ndryshime e përhershme në kurset e këmbimit të valutave te huaja dhe interesit mund të ketë një ndikim në tepricë /deficit. Më 31 dhjetor 2018 dhe 31 dhjetor 2017, një ndryshim në vlerën e euros kundrejt valutave të tjera të huaja nuk do të ndikonte në gjendjen e Organizatës për shkak se nuk ka mbajtur shuma në monedhë të huaj. Është vlerësuar gjithashu se një ndryshim në normat e interesit nuk do të ndikojë në fitimin ose humbjen për shkak të mungesës së instrumenteve me normë variabël e skontuar me vlerën e drejtë.

IPKO Foundation

Shënime mbi pasqyrat financiare për vitin e përfunduar më 31 dhjetor 2018
(Të gjitha shumat janë në EURO)

14. TRANSAKSIONET ME PALËT E LIDHURA

Një palë është e lidhur me një entitet nëse, drejtpërdrejt ose tërthorazi përmes një ose më shumë ndërmjetësve, pala kontrollon, ose është nën kontroll të përbashkët me njësinë ekonomike, palët kanë një interes në njësinë ekonomike që i jep influencë të rëndësishme mbi entitet, pala ka kontroll të përbashkët mbi njësinë ekonomike, pala është një pjesëmarrje ose pala është një anëtar i personelit drejtues kryesor të njësisë ekonomike ose të kompanisë mëmë të tij.

Kompensimet totale të paguara për anëtar të bordit të organizatës janë:

	Për vitin e përfunduar më 31 Dhjetor 2018	Për vitin e përfunduar më 31 Dhjetor 2017
Pagesa konsulence	26,337.90	31,528.71
Shpenzimet e udhëtimit	7,240.42	6,671.68
Akomodimi	1,330.59	880.00
Paga ditore (per diem)	707.54	-
Gjithsej	35,616.45	39,080.39

15. ZOTIMET DHE KONTIGJENCAT

Zotimet

Më 31 dhjetor 2018 dhe 31 dhjetor 2017, Organizata kishte zotimet e mëposhtme ndaj qirave.

Zotimet e qirasë operative:

	Për vitin e përfunduar më 31 Dhjetor 2018	Për vitin e përfunduar më 31 Dhjetor 2017
Jo më vonë se 1 vit	15,828.00	7,912.00
Më vonë se 1 vit dhe jo më shumë se 5 vite	15,828.00	-
Më vonë se 5 vite	-	-
	31,656.00	7,912.00

Kontigjencat

Më 31 dhjetor 2018, nuk ka raste ligjore të inicuara nga palë të treta ndaj Organizatës dhe Organizata nuk ka inicuar ndonjë rast ligjor ndaj palëve të tretë.

16. NGJARJET PASUESE

Nuk ka ngjarje të rëndësishme pas datës së raportimit që do të kërkonin ndryshime apo shpalosje në pasqyrat financiare.